

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

R J E Š E N j E

**po Prijavi namjere koncentracije privrednih subjekata Blitz F09-acht GmbH,
Frankfurt na Majni, Njemačka i MIBRAG B.V., Amstelveen, Nizozemska**

**Sarajevo
Juli, 2009. godine**



Broj: 01-05-26-008-12-II/09
Sarajevo, 21.07.2009. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05 i 76/07), rješavajući po Prijavi namjere koncentracije privrednog subjekta Blitz F09-acht GmbH, c/o Blitzstart Holding AG, Mainzer Landstrasse 47, 60329 Frankfurt na Majni, Savezna Republika Njemačka i privrednog subjekta MIBRAG B.V., Handweg 159, 1185 TX Amstelveen, Kraljevina Nizozemska, podnesene od strane advokata Seada Miljkovića, Fra Anđela Zvizdovića 1, 71000 Sarajevo, zaprimljene dana 05.03.2009. godine pod brojem: 01-05-26-008-II/09, Konkurencijsko vijeće, na 91. (devedesetprvoj) sjednici održanoj dana 21.07.2009. godine, je donijelo

R J E Š E N J E

1. Ocjenjuje se dopuštenom koncentracija koja ima utjecaj na tržište proizvodnje električne energije u Bosni i Hercegovini, i koja nastaje stjecanjem kontrole privrednog subjekta Blitz F09-acht GmbH, c/o Blitzstart Holding AG, Mainzer Landstrasse 47, 60329 Frankfurt na Majni, Savezna Republika Njemačka u privrednom subjektu MIBRAG B.V., Handweg 159, 1185 TX Amstelveen, Kraljevina Nizozemska, kupovinom 100,0% vlasničkog udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glanicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 05.03.2009. godine pod brojem: 01-05-26-008-II/09, Prijavu namjere koncentracije (u daljem tekstu: Prijava) od strane privrednog subjekta ČEZ, a.s., Duhová 2/1444 Prag 4, Češka (u daljem tekstu: ČEZ), kao posrednog vlasnika privrednog subjekta Blitz F09-acht GmbH, c/o Blitzstart Holding AG, Mainzer Landstrasse 47, 60329 Frankfurt na Majni, Njemačka (u daljem tekstu: Blitz F09-acht) i fizičkog lica Daniela Křetínský, (Češka Republika, broj pasoša (..)*¹). kao posrednog vlasnika privrednog subjekta MIBRAG B.V., Handweg 159, 1185 TX Amstelveen, Nizozemska (u daljem tekstu: MIBRAG), podnesenu po advokatu Seadu Miljković, Fra Anđela Zvizdovića 1, 71000 Sarajevo, Bosna i Hercegovina po kojoj privredni subjekt Blitz F09-acht namjerava steći kontrolu kupovinom 100,0% vlasničkog udjela u privrednom subjektu MIBRAG.

Uvidom u podnesenu Prijavu utvrđeno je da ista nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“, broj 95/06), te je u skladu sa članom 31. Zakona Konkurencijsko vijeće zatražilo dopunu iste (akt broj: 01-05-26-008-1-II/09

¹ (..)* - podaci predstavljaju poslovnu tajnu

dana 20.03.2009. godine, akt broj: 01-05-26-008-5-II/09 dana 07.05.2009. godine i akt broj: 01-05-26-008-7-II/09 dana 18.05.2009. godine).

Podnosioc prijave je podnio, u smislu člana 31. stav (2) Zakona, zahtjeve za produženje roka za kompletiranje Prijave (podnesak broj: 01-05-26-008-2-II/09 dana 25.03.2009. godine i podnesak broj: 01-05-26-008-6-II/09 dana 15.05.2009. godine), koje je Konkurencijsko vijeće prihvatilo i u smislu člana 31. stav (2) Zakona, odobrilo dodatne rokove za dostavu tražene dokumentacije (akt broj: 01-05-26-008-3-II/09 dana 30.03.2009. godine i akt broj: 01-05-26-008-7-II/09 dana 18.05.2009. godine).

Prijava je dopunjena traženom dokumentacijom (podnesak broj: 01-05-26-008-4-II/09 dana 20.04.2009. godine, podnesak broj: 01-05-26-008-6-II/09 dana 15.05.2009. godine, podnesak broj: 01-05-26-008-8-II/09 dana 29.05.2009. godine i podnesak broj: 01-05-26-008-9-II/09 dana 01.06.2009. godine).

Po prijemu tražene dokumentacije Konkurencijsko vijeće je utvrdilo Prijavu kompletnom i dana 15.06.2009. godine izdalo Potvrdu o prijemu kompletne i uredne Prijave broj: 01-05-26-008-10-II/09, u skladu sa članom 30. stav (3) Zakona.

Podnosilac prijave je naveo da je podnio zahtjev za ocjenu koncentracije tijelima ovlaštenim za ocjenu koncentracije u Republici Srbiji, Ukrajini i Evropskoj komisiji, u smislu člana 30. stav (2) Zakona.

Konkurencijsko vijeće u postupku ocjene dopuštenosti koncentracije je utvrdilo sljedeće činjenice:

Prijava je podnesena u propisanom roku, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekti Blitz F09-acht GmbH, c/o Blitzstart Holding AG, Mainzer Landstrasse 47, 60329 Frankfurt na Majni, Njemačka i MIBRAG B.V., Handweg 159, 1185 TX Amstelveen, Nizozemska.

1.1. Privredni subjekt Blitz F09-acht

Privredni subjekt Blitz F09-acht GmbH, c/o Blitzstart Holding AG, Mainzer Landstrasse 47, 60329 Frankfurt na Majni, Njemačka registrovan je dana 22.01.2009. godine pod brojem HRB 84732 u Osnovnom sudu u Frankfurtu na Majni, kao društvo posebne namjene u cilju sticanja vlasničkog udjela u privrednom subjektu MIBRAG.

Vlasnici privrednog subjekta Blitz F09-acht su privredni subjekt Madhubla Equities Limited, Akropoleos 59-61, Savvides Centar ured 102, P.C. 2012 Nicosia, Republika Kipar (u daljem tekstu: Madhubla) i privredni subjekt Severočeské doly, a.s., Chomutov, Boženy Nemcove 5359, 43001 Prag, Češka Republika (u daljem tekstu: Severočeské) sa po 50,0% vlasničkog udjela.

Na tržištu Bosne i Hercegovine privredni subjekt Blitz F09-acht ne obavlja poslovne aktivnosti niti ima registrovanih povezanih društava.

Privredni subjekt Madhubla je registrovan dana 08.09.2008. godine u Ministarstvu privrede, industrije i turizma, Odjel registra privrednih društava i službenog stečajnog upravnika, Nicosia, Kipar pod brojem HE 237612 i u 100,0% je vlasništvu fizičkog lica Daniel Křetínskog (Češka Republika, broj pasoša 37254600).

Privredni subjekt Madhubla nema registrovanih privrednih subjekata na tržištu Bosne i Hercegovine niti obavlja poslovne aktivnosti.

Privredni subjekt Severočeské registrovan je dana 01.01.1994. godine u Registru privrednih društava kod Okružnog suda u Ústí nad Labem, spis B, odjeljak 495 pod brojem 499 01 982 i u 100,0% je vlasništvu privrednog subjekta ČEZ.

Osnovne registrovane djelatnosti privrednog subjekta Severočeské su iskopavanje, prerada i prodaja mrkog uglja i sekundarnih proizvoda.

Privredni subjekt Severočeské nema registrovanih privrednih subjekata na tržištu Bosne i Hercegovine niti obavlja poslovne aktivnosti.

1.1.1. Povezana društva privrednog subjekta ČEZ u Bosni i Hercegovini

Privredni subjekt ČEZ, a.s., Duhová 2/1444 Prag 4, poštanski pretinac broj: 140 53, identifikacijski broj: 45274649, registrovan je dana 06.05.1992. godine u Privrednom registru Općinskog suda u Pragu pod registarskim brojem B.1581 ČEZ je matično društvo ČEZ Grupe koja predstavlja jedan od najvećih elektrokonglomerata u centralnoj i jugoistočnoj Evropi.

Osnovne djelatnosti privrednog subjekta ČEZ su: razvoj električne opreme, revizija električnih postrojenja, proizvodnja i distribucija električne energije, proizvodnja i distribucija toplotne energije i trgovina električnom energijom.

Povezana društva privrednog subjekta ČEZ u Bosni i Hercegovini su privredni subjekti Nove elektrane Republike Srpske d.o.o. za proizvodnju i prodaju električne energije Gacko (u daljem tekstu: NERS Gacko) i ČEZ Bosna i Hercegovina d.o.o. Sarajevo (u daljem tekstu: ČEZ BiH).

Privredni subjekt NERS Gacko, Industrijska zona bb, Gacko, Bosna i Hercegovina registrovan je dana 22.12.2006. godine u Osnovnom sudu u Trebinju pod brojem rješenja: 095-0-REG-06-000281.

Privredni subjekt NERS Gacko, Industrijska zona bb, Gacko, Bosna i Hercegovina osnovan je zajedničkim ulaganjem od strane privrednog subjekta ČEZ (koji posjeduje 51,0% osnivačkog kapitala) i Elektroprivrede Republike Srpske a.d. Trebinje (sa učešćem od 49,0% osnivačkog kapitala). Planirano je da NERS Gacko započne sa aktivnostima u 2013. godini.

Pretežna registrovana djelatnost privrednog subjekta NERS Gacko je proizvodnja i prodaja električne energije.

Privredni subjekti NERS Gacko i ČEZ BiH još nisu započeli sa svojim poslovnim aktivnostima na tržištu Bosne i Hercegovine.

Privredni subjekt ČEZ BiH, Fra Anđela Zvizdovića br.1, Sarajevo, Bosna i Hercegovina registrovan je dana 21.03.2008. godine u Općinskom sudu u Sarajevu pod brojem: 65-01-0142-08 i u 100,0% je vlasništvu privrednog subjekta ČEZ.

Pretežna registrovana djelatnost privrednog subjekta ČEZ BiH je proizvodnja i prodaja električne energije.

1.2. Privredni subjekt MIBRAG

Privredni subjekt MIBRAG B.V., Handweg 159, 1185 TX Amstelveen, Kraljevina Nizozemska registrovan je dana 09.12.1993. godine u Registru privrednih društava Kraljevine Nizozemske pod brojem: 33254246.

Vlasničku strukturu privrednog subjekta MIBRAG čine privredni subjekti Lambique Beheer B.V., Keplerstraat 34, 1171 CD Badhoevedorp, Kraljevina Nizozemska i WGI Netherlands B.V., Nijvergouw 42, 1352 CD Almere, Kraljevina Nizozemska sa po 50,0% vlasničkih udjela.

Privredni subjekt MIBRAG je 100,0% vlasnik privrednog subjekta Mitteldeutsche Braunkohlengesellschaft mbH, Theißen, Savezna Republika Njemačka čije su pretežne registrovane aktivnosti iskopavanje i prerada lignita i proizvodnje električne energije.

MIBRAG, kao holding društvo ne obavlja poslovne aktivnosti, a sve aktivnosti grupacije obavlja putem privrednog subjekta Mitteldeutsche Braunkohlengesellschaft mbH i njegovih supsidijarnih društava.

Privredni subjekt MIBRAG nema registrovanih privrednih subjekata niti obavlja poslovne aktivnosti u Bosni i Hercegovini.

2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose preko 100.000.000,00 KM, po završnom računu u godini koja je prethodila koncentraciji.

Ukupni godišnji prihodi privrednih subjekata učesnika koncentracije (i njihovih povezanih privrednih subjekata), na osnovu podataka u Prijavi, na dan 31. decembar 2008. godine, su:

Tabela 1.

(KM)	ČEZ	Severočeské	MIBRAG	
Svijet	(..)*	(..)*	(..)*	(..)*
BiH	(..)*	-	-	-

*Ukupan godišnji prihod povezanih društava ČEZ BiH i NERS

** Podaci na osnovu preliminarog godišnjeg finansijskog izvještaja

*** Ukupan godišnji prihod za 2007. godine

Budući da su učesnici koncentracije ispunili uslove u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) tačka a) Zakona, bili su obavezni podnijeti Prijavu.

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriteriji za ocjenu koncentracija privrednih subjekata („Službeni glasnik BiH“, broj 95/06).

3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata (Službeni glasnik BiH“, broj 95/06).

4. Pravni osnov i oblik koncentracije

Pravni osnov predmetne koncentracije, propisan je članom 16. stav (1) Zakona, a u vezi s članom 30. stav (1) tačka a) Zakona i članom 8. tačka f) alineja 3. Odluke o načinu podnošenja prijave i kriterijumima za ocjenu koncentracija privrednih subjekata.

Pravni osnov koncentracije je Ugovor zaključen dana 25. februara 2009. godine između privrednog subjekta Blitz F09-acht i privrednih subjekata Lambique Beheer B.V., Nizozemska i WGI Netherlands

B.V., Kraljevina Nizozemska, kao vlasnika privrednog subjekta MIBRAG, na osnovu kojeg Blitz F09-acht stiće 100,0% vlasničkog udjela u privrednom subjektu MIBRAG.

Pravni oblik koncentracije predstavlja sticanje kontrole (od strane privrednog subjekta Blitz F09-acht), nad drugim privrednim subjektom (nad privrednim subjektom MIBRAG), u skladu sa članom 12. stav (1) pod b) Zakona.

5. Relevantna tržišta koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Obzirom na navedeno, a na osnovu provedene analize relevantnog tržišta učesnika koncentracije Konkurencijsko vijeće je utvrdilo da je relevantno tržište proizvoda/usluga koncentracije tržište proizvodnje električne energije.

Relevantnim tržištem u geografskom smislu smatra se tržište Bosne i Hercegovine.

Slijedom gore navedenog, relevantnim tržištem koncentracije smatra se tržište proizvodnje električne energije u Bosni i Hercegovini.

6. Analiza relevantnog tržišta u Bosni i Hercegovini

U analizi relevantnog tržišta učesnika koncentracije i njihovih glavnih konkurenata, kao i procjenama tržišnih udjela korišteni su kao relevantni podaci Državne regulatorne komisije za električnu energiju bosne i Hercegovine (u daljem tekstu: DERK) i podaci Podnosioca prijave.

Procjena ukupne proizvodnja i potrošnja električne energije u Bosni i Hercegovini u 2008. godini je:

Tabela 2.

(GWh)	EP BiH	EP RS	EP HZHB	Brčko Distrikt	BiH
Proizvodnja	7.453,00	5.108,00	1.381,00		13.942,00
Proizvodnja u hidroelektranama	1.501,00	1.942,00	1.375,00		4.818,00
Proizvodnja u termoelektranama	5.837,00	3.096,00			8.933,00
Proizvodnja u malim i industrijskim lektranama	115,00	70,00	6,00		12.241,00
Potrošnja	4.855,00	3.484,00	3.300,00	290,00	12.241,00
Distributivna potrošnja	4.205,00	3.310,00	1.370,00	290,00	8.855,00
Gubici prijenosa					312,00
Veliki kupci	650,00	160,00	1.930,00		2.740,00
Potrošnja rudnika		14,00			14,00

Izvor: Podaci DERK

Prema podacima DERK-a, na tržištu proizvodnje električne energije u 2008. godini u Bosni i Hercegovini najveći tržišni udio ima privredni subjekt Elektroprivreda Bosne i Hercegovine d.d. Sarajevo (EP BiH) sa 53,0%, privredni subjekt Elektroprivreda Republike Srpske a.d. Trebinje (EP RS) sa 37,0% te privredni subjekt Elektroprivreda Hrvatske zajednice Herceg Bosne d.d. Mostar (EP ZHB) sa 10,0% tržišnog udjela.

7. Ocjena koncentracije

Konkurencijsko vijeće je, nakon procjene i analize podataka i utvrđenih činjenica, u smislu člana 17. Zakona, u postupku donošenja Rješenja, ocijenilo da se radi o eksteritorijalnoj koncentraciji te da provođenje iste na relevantnom tržištu Bosne i Hercegovine neće imati direktnog uticaja na tržištu proizvodnje električne energije niti će doći do promjene tržišnih udjela na istome.

Uzimajući u obzir sve iznesene činjenice i podatke koji su prethodili donošenju Rješenja, Konkurencijsko vijeće je ocijenilo koncentraciju dopuštenom, u smislu člana 18. stav (2) tačka a) Zakona.

Iz gore navedenih razloga, Konkurencijsko vijeće smatra da se predmetnom koncentracijom privrednih subjekata ne stvara i ne jača dominantan položaj na relevantnom tržištu, te je odlučilo kao u dispozitivu ovog Rješenja.

8. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednik

dr. Stjepo Pranjić